



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Novum Gratiae Prodigium: Sive Vita Venerabilis Matris,
Sororis Joannæ à Jesu Maria Monialis Præcipui D. Claræ
Coenobii In Bvrgos**

Ameyugo, Francisco de

Coloniæ Agrippinæ

Judicium Reverendissimi P. Magistri F. Joannis Sorribas, Carmelitani
Ordinis, SS. Theologiæ Professoris & Doctoris, Regiæ Majestatis
Concionatoris ac Theologi.

urn:nbn:de:hbz:466:1-37120

APPROBATIO.

herrimè sibi ob oculos statuerent. Nihil in hoc libro reperio quod Catholica doctrinæ ac probis moribus non conveniat: Existimoque, attento tam elegantique mirando exemplari, quod ad correptionem nostræ segnitiei, animoque in divino servitio excitulandos liber hic apprimè sit conducibilis. Hæc mea est sententia, salvo &c.

In hoc Conventu à S. Philippo Madriti 12. Novemb. 1671.

P. Andreas Merino.

FACULTAS ORDINARIÆ

NOS Franciscus Torteza Doctor, Abbas S. Vincentii, Canonicus Toletanus Regiæ Aulæ Ordinarius Inquisitor, atque hujus Urbis Madritensis ac locorum eò spectantium Vicarius Generalis. &c. Concedimus per præsentem quantum nos concernit, facultatem, ut liber hic typis mandetur, qui intitulatur: Novum gratiæ prodigium inveniendum in Vita Venerabilis Matris Sororis Joannæ à JESU MARIA, ab Admodum Reverendo Patre Francisco de Ameyugo Jubilato Theologiæ Lectore & Ex-Provinciali Provinciæ Burgensis ex Ordine S. Francisci conscripta. Quoniam Judicio & sententiâ Patris Magistri F. Andreæ Merino Augustiniani edocemur, nihil sanctæ postre Catholicæ fidei, aut bonis moribus contrarium in eo contineri.

Datum Madriti 18. Novembris Anno 1671.

F. Torteza Doctor.

Ex mandato

Didacus de Velasco.

JUDICIUM REVERENDISSIMI P. MAGISTRI F.
Joannis Sorribas, Carmelitani Ordinis, SS. Theologiæ Professoris &
Doctoris, Regiæ Majestatis Concionatoris ac Theologi.

Reverendissime &c.

Mandatis Reverendissimæ D. V. parui, perlegique hunc librum, nimirum
Vitam Venerabilis Matris Sororis Joannæ à JESU MARIA Monialis ad
S. Cla-

A P P R O B A T I O.

S. Claram Burgi, sumque omnino ejus mentis ac sententiæ, quod ea non aliud, quam admirandum sit opus Divinæ manûs, atque unum ex illis in quibus lûx Majestatis mirabilia innovantur (*Innova mirabilia Eccl. 36. ubi etiam David 67. Pſinquit: Mirabilia Deus in Sanctis suis. Prorsus mirabilis, ait D. Bernardus serm. 1. in dedic. Eccl. super hunc textum, non modò in cœlestibus, sed etiam in terrenis, utrobique Sanctos habet, & in utrisque mirabilis est, illos quidem beatificans, istos sanctificans.* Infantia rationis compos, præmatura perfectio, sacrificium marutinum, Virgo nupta, innocens pœnitens, Sponsa & Ancilla, Martyr absque Tyrannide; Job sine querela, Isaac absque gladio, crucifixa sine lictoribus, nupta sine viro, Religiosa ante Religionis ingressum, mortua ante mortem, ante usum rationis supra rationem elevata & rapta, Regionum Secretorum occulta Servatrix, ejus munerum dispensatrix, protectio viventium, auxilium & opitulatio defunctorum est Soror hæc Joanna à JESU MARIA. An non in ea DEUS est mirabilis? hoc non patitur ut fileamus, sed ut tibiis, tubis, ac omnibus animæ nostræ instrumentis DEI laudem insonemus, prouti & D. Bernardus ait serm. 13. in Cant. *Si quæ sanè digna in Sanctis laude vel admiratione intueor, clara luce veritatis discentiens, profectò reperio laudabilem sive mirabilem alium apparere atque aliū esse, & laudo DEUM in Sanctis suis.* Nobilis ac Seraphica Religio S. Francisci, pulchrum istum ac admirabilem flosculum suo in Paradiso plantavit. Sacer quippe hic Ordo hortus est voluptatis, plenus Sanctorum, Pontificum, Episcoporum, Regum, virorum ac mulierum. Ordo hic est, in quo magno numero atque ingenti Majestate Sancti reperiuntur, fecunda Mater Justorum. Ordo hic relucet vulnerum Christi Stigmatibus, custoditque locum nostræ redemptionis, atque idcirco haud mirandum, quod tam varios legat fructus. Auther libri hujus est cum primis disertus in sua historica enarratione, cætera admodum pius. Thesaurus hic occultandus haudquaquam est. Vestra Celsitudo jubere potest, ut petita Facultas concedatur. Hæc mea est sententia.

In Carmelitarum Cœnobio Madriti 18. Febr. 1672.

F. Joannes Baptista Sorribat.

SEQUITUR FACULTAS, CENSURA, ET APPROBATIO pro editione Germanicæ versionis.

FACULTAS REVERENDISSIMI PATRIS GENERALIS
Ordinis Carthusiensis.

Venerabiles in Christo Patres.

Opus à vobis susceptum velut valde Religiosum laudo & approbo. Mirabile quid in vestris apicibus mihi apparet de illa Sancta femina, quam Virgi-

†† §

Virgi-